



UNIVERSITÄTS-
BIBLIOTHEK
PADERBORN

Praxis Episcopalis

Piasecki, Paweł

Coloniae Agrippinae, 1620

Tabella errorum, quæ in diuinis officijs obeundis coërcentur.

[urn:nbn:de:hbz:466:1-61608](https://nbn-resolving.org/urn:nbn:de:hbz:466:1-61608)

minif.
Fasch.
lib 1. c.
20. sub
num. 62.
Concil.
Treu. 5.

pro manifesta Ecclesie utilitate absunt; vel ex necessitate, ut est infirmus etiam sua culpa, si, quando in morbum incidit, erat residens, vel pro residente habebatur: ita tamen ut id tantum percipi-

at eo tempore, quod verisimiliter, si factus fuisset percepisset. Quod de distributionibus quotidianis dictum est, procedit etiam in datis interessentibus officio funeris

que ad
dist.
Lap. alle
42.

CAPVT III.

Tabella erratorum, quæ in diuinis officijs ob eundis coërcentur.

QVICVNQVE hebdomadarius, aliusue, qui munus aliquod in diuinis officijs obire debet, stato tempore officij sui subeundi non conuenerit, & munus ipsum per se, vel legitime impeditus per alium non præstiterit, vel de illo impedimento præfectum Chori opportunè certiorè non reddiderit, triū dierū distributionem eo ipso amittat; quod pariter incurrat is, qui huic in ordine succedens, si à Præfecto admonitus, ut absentis vices suppleat, non paruerit.

Idemq; de eo statuitur, qui curā præparandi libros habet.

Nemo in Choro, siue in Ecclesia Sacrationè quicquam, quod ad diuinorum officiorum rationem seu cultum pertinet, fieri iubeat, ijs exceptis, quibus id ex proprio officio incumbit.

Qui secus fecerit, vnius diei distributione plectatur.

Quisquis in Choro, aut in processionibus in aliquo infrascriptorum errauerit, mulctetur illius horæ distributione, quæ cæteris accrescat.

Qui pileum in Choro detulerit.

Qui subirretum in Missarum celebratione ad altare detulerit

Qui Chirothecas in Choro, aut pro-

cessionibus adhibuerit.

Qui in Choro vagatur.

Qui priuatim ibidem officium recitat.

Qui in Choro dormitat, si ab alio Canonico, qui propè assidet, seu ab alio præfecti iussu expergefactus dormitare non destiterit.

Qui literas, libros, scripturasue alias præter eas, quibus tunc pro ratione diuini officij, quod agitur, necessariò vtendum est, perlegerit.

Qui à Chori parte, in qua sedet, aliqua non impeditus valetudine vnà cum cæteris non psallit.

Quique Antiphonas, Responsorias, aliàque id genus ad lectorile non cecinerit.

Qui Antiphonas alias, aut cantus, quam quæ officio conueniunt, cecinerit; quiuè prædictorum partem omiserit.

Qui habitu cuique pro ratione ordinis, loci, temporis, ac officiorum præscriptum non induerit.

Qui Clericalem coronam perspicuam, & ordini conuenientem non gesserit.

Qui caligas, seu alias vestes alterius coloris, quàm nigri gestauerit.

Qui

Qui subuculas ad manus, collumue rugolas aut acu artificiosè elaboratas detulerit.

Qui interiori veste vsq; ad talos non demissa vsus fuerit.

Qui in Choro cachinnatur, confabulatur, seu cum alio quopiam extra Chorum existente colloquitur; nisi id fiat aut causa officij sui in Choro obeundi, aut necessarij responsi vnico verbo, si fieri potest, reddendi.

Qui è loco, vel ab ordine suo in Choro aut processio-nibus, discedit, nisi officij, quod obire debet, aut superiori locum cedendi ratio id postulet.

Qui è Choro abit, antè quam absolutis diuinis officijs, bini omnes decenti ordine simul recedant; nisi corporis necessitas cogat: tumq; id Præfecti concessu, moxq; reuersurus faciat.

Qui Epistolas, Capitula, Orationes, Lectiones, & id genus alia, memoriter in Choro recitauerit, aut cantauerit.

Qui item sæpè admonitus cæremónias ex instituta earum ratione in Choro, alibiue præstare neglexerit.

Qui, dum in Choro diuina officia celebratur, Missam, quam priuatam vocant, mercede aliqua celebrauerit, præter tabellæ præscriptum ordinem, illius horæ distributionem amittat.

Quicumque singulis diebus dum per Octauas Corporis Domini nostri, Vesperis, aut Matutino, aut processio-nibus, in propria Ecclesia, vt alijs inser-

uiat non interfuerit, præter amissionem Ordinarij census, vnus diei amissione plectatur.

Qui in funeralibus, aut processio-nibus aut alijs officijs, quæ extra propriam Ecclesiam capitulariter celebrantur, ad suam Ecclesiam non fuerint reuersi, tanquam absentes à toto illo officio cenleantur.

Qui Concioni intra Missam haberi solitæ, aut lectioni post Vesperas consuetæ integrè non adfuerit; ille tanquam absens à Missa, innotetur: Hic verò dimidia Vesperarum distributione careat.

Thesaurarius, canepariusue, qui alicui plus soluerit, cesseritue, quàm supputationis ratio ad præscriptum Conciliorum tulerit, aut aliquid quouis modo, pactouè erogauerit, antequam memoratæ supputationis syngrapham ad formam eorundem Conciliorum subscriptam acceperit, vnus mensis distributione, ac etiam maiori poena Reuerendissimi Archiepiscopi arbitratus plectatur.

Qui verò, vel ante solutionis, cessionitue, & syngraphæ prædictæ tempus aliquid, vel etiam post, plusquam sibi debeat; vilo quouis modo, pactouè acceperit, is à Reuerendissimo Archiepiscopo, & quod acceperit restituere cogatur, & triplo mulctetur: quod locis pijs applicetur.

* *
*

CAPVT